

أنا : طبعا . . دا أنا طول عمرى متخصص فى الروائح . .
دا عندى مناخير تشم العطور وهى لسه أزهار على الشجر . . طبعا
دى رائحة الماجريف التى أحبها . .

هى : طيب إيه رأيك أنها مش ماجريف .. دى ريحة جديدة
اسمها « بلاش تبوسنى » . .

أنا : أتحداك فأنا لأخطئ* فى الروائح أبدا .. يعنى جازن اغلط
فى حاجات كثير . . لكن إلا الروائح . . دا أنا فى شبانى . .

هى : حرجع تانى تقول شبانى . . أنا عارفه أنت حتقول إيه . .
حتقول أنه فى مرة من المرات جماعة أصحابك آراهنوا على الريحة
اللى حطاها ليلى صاحبك . . وأنت الوحيد اللى كسبت الرهان ..
مع أن ليلى غيرت الريحة اللى بتحطها فى اليوم ده ! . . وعارفه
حتقول إيه كمان . . حتقول أنك كنت بتفتكر البلاد والشوارع
والبيوت بالريحة . . وأنت كنت فاكر نفسك الوحيد اللى بالشكل
ده ولكن اكتشفت أن محمد عبد الوهاب كده كمان . . مش
ده اللى أنت كنت حتقوله . . ؟ عارفه كل حاجة . . أنت إيه ..
خلاص ما عندكش حاجة تقولها . . ؟ أنت خلصت من كل حاجة ؟

أنا : برضه أنت متعلمتيش حاجة منى .. أنت تسرعت . .
وليه رأيك أنى كنت حاقول حاجة غير كده . . كنت حاقول حكاية
عمر ك ما سمعتها . .